# PANTUN ANAK SINGAPURA Generasi Abad ke-21



Penasihat Mohamed Noh Daipi Pengarah Pusat Bahasa Melayu Singapura

Penyusun
Dr Fadilah Isnin
Pengetua Guru Pakar Bahasa Melayu
Siti Faridah Omar
Pegawai Pelatih Pusat



Pusat Bahasa Melayu Singapura Kementerian Pendidikan Singapura



ISBN No: 978-981-09-5360-7

Cetakan Jun 2015

#### © 2015 Pusat Bahasa Melayu Singapura Kementerian Pendidikan Singapura

13 Bishan Street 14 Singapore 579787

Hak cipta terpelihara.

Tidak dibenarkan mengulang cetak atau menerbitkan semula mana-mana bahagian isi kandungan pakej ini dalam apa jua bentuk sama ada secara elektronik, fotokopi, rakaman atau dalam apa jua cara sebelum mendapat keizinan bertulis daripada pemilik hak cipta buku ini.

Diterbitkan oleh:



Pusat Bahasa Melayu Singapura Kementerian Pendidikan Singapura

www.malaylanguagecentre.moe.edu.sg

No Tel: 6354 6951 No Faks: 6258 6761

Dicetak oleh:

Oxford Graphic Printers Pte Ltd www.oxfordgraphic.com.sg

## Kandungan

Seungkap Kata Awal Bicara	5	
Pantun Juara	7	
Juara	8	
Naib Juara	12	
Naib Juara II	16	
Pantun Hadiah Penghargaan		
Singapura Tanah Airku	21	
Keluargaku, Rakanku, Wargaku		
Generasi Perintis, Wiraku	97	
Melayuku, Watanku	123	
Penghargaan	136	

## Seungkap Kata Awal Bicara

#### Salam sejahtera anak-anak sekalian

Pantun adalah salah satu puisi tradisional Melayu. Pantun boleh digunakan dalam acara-acara tertentu dan juga dalam komunikasi seharian kita. Dalam pantun terkandung nilai-nilai luhur dan ilmu seperti yang dinyatakan oleh Almarhum Pak Tenas Effendy dalam salah satu pantunnya:

Apa guna orang bertenun, Untuk membuat kain dan baju; Apa guna orang berpantun, Untuk menimba berbagai ilmu.

Oleh itu, anak-anak digalakkan mempelajari cara menulis dan membaca pantun. Anak-anak boleh menggunakan pantun dalam penulisan karangan. Kita tidak perlu rasa takut untuk menulis pantun. Usahakan sedikit demi sedikit, lama-lama jadi bukit; sehari selembar benang, lama-lama jadi kain.

Buku Pantun Anak Singapura Generasi Abad ke-21 ini memuatkan 90 rangkap pantun empat kerat yang dihasilkan oleh para pemenang Peraduan Membaca dan Mengarang Pantun SG50. Diharapkan pantun-pantun ini merangsang anakanak yang lain untuk belajar menulis pantun. Pusat Bahasa Melayu Singapura mengucapkan syabas kepada semua para pemenang.

Selamat membaca!

Mohamed Noh Daipi Pengarah Pusat Bahasa Melayu Singapura Kementerian Pendidikan Singapura

### Juara

Imam Solihin Bin Mohamed Fariq Sekolah Rendah Yio Chu Kang

### Naib Juara

Nur Haziyah Bte Ramli Sekolah Rendah Compassvale

#### Naib Juara II

Wardah Murfiqah Bte Mohammad Taib Sekolah Rendah Pasir Ris


Pantun Juara






Imam Solihin Bin Mohamed Fariq
Darjah 6
Sekolah Rendah Yio Chu Kang

Mengayuh rakit mencari duku, Singgah sebentar di tepi muara; Apabila ditanya tempat asalku, Aku bangga menjawab Singapura. Baju basah perlu dijemur, Jika dipakai dingin terasa; Singapura aman juga makmur, Hidup tenteram berbilang bangsa. Buah manggis di atas para, Kulit dikupas isinya dimakan; Cintai nusa sayangi negara, Jiwa raga rela kukorbankan.



Nur Haziyah Bte Ramli Darjah 6 Sekolah Rendah Compassvale

Terbang tinggi si burung merpati, Duduk bertenggek di pohon cempaka; Zubir Said pencipta melodi, Menyeru semangat Majulah Singapura. Pergi ke pasar membeli kesum, Sambil berjalan menyanyikan lagu; Lemah gemalai lenggang Puan Som, Pelestari anggun tarian Melayu. Berpuluh tahun mengukir sejarah, Megah berdiri Stadium Kallang; Fandi Ahmad wira nan megah, Handal beraksi penyerang terbilang.



Wardah Murfiqah Bte Mohammad Taib Darjah 6 Sekolah Rendah Pasir Ris

Sambil membaca duduk di bangku, Membaca dapat menambah pengetahuan; Wahai nak muda kaum bangsaku, Adat budayamu dilupa jangan. Raja adil raja disanjung, Rakyat sentiasa taat setia; Adat dipeluk budi dijunjung, Takkan Melayu hilang di dunia. Hendak diangkat si kayu jati, Namun diri tidak berdaya; Wahai teman yang saya hormati, Waspada diri tidak terpedaya. Dini Nur Rifqah Binte Muhammad Assad Elahi Sekolah Rendah Bukit View

Irshah Irdani Bin Amidan Sekolah Rendah Tampines

Julia Ardhana Bte Jalil Sekolah Rendah Jiemin

Nur Sarahfina Bte Kamarudin Sekolah Rendah Bendemeer

Nur Thahirah Bte Jaafar Sekolah Rendah Horizon

Nurin Afreena Bte Afzainizam Sekolah Rendah Chua Chu Kang

Nurul Radhiah Bte Abdullah Sekolah Rendah Horizon

Sakinah Binte Yahya Sekolah Rendah Kheng Cheng

Siti Faziera Razali Sekolah Rendah Fengshan

Singapura, Tanah Airku





**Dini Nur Rifqah Binte Muhammad Assad Elahi** *Darjah 5*Sekolah Rendah Bukit View

Pergi ke Changi bersama saudara, Mendengar lagu sambil memandu; Bunga orkid lambang Singapura, Warnanya putih, merah dan ungu. Menyambut gemilang hari bersejarah, Teriak merdeka memecah angkasa; Rakyat bersatu menuju arah, Agar Singapura kekal sentosa. Jika hendak ke bandar Marina, Jangan sesat hilang arahmu; Negara aman dan juga indah, Itulah Singapura tanah airku.



**Irshah Irdani Bin Amidan** *Darjah 6*Sekolah Rendah Tampines

Sayang Singapura tanah airku, Indah sungguh mergastua di sini; Saya suka di tempat kelahiranku, Aku hidup senang di sini. Lelaki perempuan menjadi askar, Mahu membela negara Singapura; Kehidupan di sini tidaklah sukar, Segala keputusan dibuat segera. Masa begitu cepat berlalu, Ketika bersantai di dalam taman; Terima kasih Encik Lee Kuan Yew, Kerana usahamu negara aman.



Julia Ardhana Bte Jalil Darjah 5 Sekolah Rendah Jiemin

Pak Samad menjual duku, Dibeli oleh seorang kaya; Singapura tanah airku, Aku bangga terhadapnya. Membeli mi rebus di kedai Cik Intan, Minum pula secawan kopi; Singapura negara yang aman, Semua cabaran dapat dihadapi. Tersua Cik Ida di tepi jalan, Sanggulnya indah dicucuk bunga; Kita ada ikon Merlion, Berbadan ikan berkepala singa.



Nur Sarahfina Bte Kamarudin Darjah 6 Sekolah Rendah Bendemeer

Berbumbung atap berdinding papan, Hiasan rumah sempadan negeri; Sepenuh hati rela berkorban, Kedaulatan negara teguh berdiri. Cendawan tumbuh penuh berisi, Disusun lurus di atas batu; Bakat diasah berlandas meritokrasi, Generasi pelapis warga bermutu. Di pantai landai mencari lokan, Kokokan ayam di sunyi pagi; Di pentas dunia tiada tandingan, Nama negaraku terjulang tinggi.



Nur Thahirah B<br/>te Jaafar Darjah 5<br/>Sekolah Rendah Horizon

Menyusur sungai menaiki sampan, Hendak memancing si ikan keli; Singapura tempatku dilahirkan, Tanah pusaka tempat berbakti. Mari belajar bersama-sama, Berusaha gigih sepenuh hati; Singapura pasti terus berjaya, Hidup sejahtera rakyat sejati. Menangkap ikan dengan jaring, Ikan dijual di pasar raya; Singapura akan terus bersaing, Menjadi terkenal seluruh dunia.



Nurin Afreena Bte Afzainizam Darjah 6 Sekolah Rendah Chua Chu Kang

Indah berseri cincin pusaka, Bertatah intan elok dipakai; Lima puluh tahun negara merdeka, Negara sentosa aman dan damai. Remaja kini menjulang nusa, Bagai cahaya menyeri pandangan; Singapura harmoni aman sentiasa, Berkat adanya pemimpin sanjungan. Baju kurung baju kebaya, Pakaian pengantin indah berseri; Bersatu padu mencapai jaya, Singapura negaraku megah berdiri.



Nurul Radhiah Bte Abdullah Darjah 5 Sekolah Rendah Horizon

Menyeberang sungai dengan perahu, Perahu didayung sambil bernyanyi; Singapura tanah airku, Negara yang amat aku sayangi. Waktu pagi pergi ke pasar, Sampai di pasar membeli kelapa; Singapura tempatku membesar, Seumur hidup tidak kulupa. Singapura tanah airku, Pelbagai bangsa hidup bersaudara; Merah putih warna bendaraku, Bersama kita membangun negara.



Sakinah Binte Yahya Darjah 6 Sekolah Rendah Kheng Cheng

Sate, kway teow, tose, muruku, Menjadi kegemaran pelbagai bangsa; Bunga anggerik putih dan ungu, Vanda Miss Joaquim bunga negara. Taman Persisiran cantik berseri, Bendungan Marina airnya biru; Pelancong datang dari luar negeri, Melihat keindahan tanah airku. Adnan membela kura-kura, Kura-kura dibela sedari dahulu; Berbilang bangsa rakyat Singapura, Semoga Singapura maju selalu.



Siti Faziera Bte Razali Darjah 6 Sekolah Rendah Fengshan

Bola sepak bola raga, Sukan dimain orang ramai; Keamanan Singapura harus dijaga, Supaya negara aman damai. Pokok kelapa di kebun raya, Bunga cempaka di Taman Safari; Aku cinta akan Singapura, Akan kubela sampai mati. Pergi kedai membeli pena, Pena diletak di dalam saku; Singapuraku oh Singapura, Engkaulah tanah tumpah darahku. Fatin Nabilah Mohammad Faizal Sekolah Rendah Fengshan

Felix Raqib Bin Felix Remie Sekolah Rendah Loyang

Ilyas Bin Abdullah Sekolah Rendah Pasir Ris

Muhammad Aqil Khan Bin Muhammad Aqram Sekolah Montfront Junior

Muhammad Zulkifli Bin Osman Sekolah Rendah Innova

Nur Syafinaz Bte Mohamad Sekolah Rendah Admiralty

Nur Tuhfah Izzah Binte Mohd Roslan Sekolah Rendah South View

Nursyahidah Binte Mohammad Rizal Sekolah Rendah Park View

Puteri Izzaty Bte Zulkeflee Sekolah Rendah Innova

Keluargaku, Rakanku, Wiraku





Fatin Nabilah Bte Mohammad Faizal Darjah 5 Sekolah Rendah Fengshan

Sungguh cantik bekas tembaga, Untuk diberikan kepada nenekku; Kasih sayang keluarga amat berharga; Sentiasa berada dalam hatiku. SG50 disambut dengan meriah, Disambut meriah memanglah jitu; Keluarga dan rakanku buatku ceria, Mereka selamanya bintang hatiku. Minum kopi di waktu petang, Sambil minum membaca buku; Keluargaku ibarat sebutir bintang, Sentiasa bercahaya dalam hatiku.




Felix Raqib Bin Felix Remie

Darjah 6

Sekolah Rendah Loyang

Meja belajar selalu berselerak, Disapu teman mengguna perca; Sayangi ibu, abang dan kakak, Begitulah ikatan antara saudara. Indah sungguh rakit Pak Wan, Dibuat dengan tekun dan cermat; Nasihat-menasihati sesama kawan, Agar persahabatan membawa berkat. Melihat gadis menanam bunga, Bunga ditanam dengan kemas; Dilihat manis dipandang mulia, Si warga muda berhati emas.




Ilyas Bin Abdullah Darjah 6 Sekolah Rendah Pasir Ris

Anak Cik Siti sangat cerdik, Suka bermain suku kata; Sayang-menyayangi adik-beradik, Keluarga harmoni tiada sengketa. Menaiki kereta ke negeri Kedah, Di dalam kereta makan keria; Apalah guna bertikam lidah, Bertolak ansur amalan mulia. Jalan-jalan di pasar malam, Hendak membeli buah kuini; Jangan dilupa sejarah silam, Tiada dahulu, tiada kini.



Muhammad Aqil Khan Bin Muhammad Aqram Darjah 4
Sekolah Montfort Junior

Makan bubur dengan sudu, Bubur dimasak oleh Nek Alia; Kasih sayang harus sepadu, Semua pasti akan bahagia. Pergi ke Geylang membeli briyani, Keluar bersama dengan saudara; Melayu, Cina, India dan Serani, Kita semua rakyat Singapura. Pergi ke padang bermain bola, Padang terletak di Jalan Kayu; Kawan saya berbangsa Cina, Saya pula orang Melayu.



Muhammad Zulkifli Bin Osman Darjah 6 Sekolah Rendah Innova

Abang saya sungguh kacak, Hendak pergi ke luar negara; Sayangi adik hormati kakak, Itulah ikatan antara saudara. Sorong papan tarik papan, Buah keranji dalam perahu; Sayangi saudara cintai teman, Kelak Allah mengasihi dirimu. Menunggang basikal pergi ke pekan, Terlupa hendak mengajak sesiapa; Hormati guru sayangi rakan, Hidup bahagia kasihi ibu bapa.



Nur Syafinaz Bte Mohamad Darjah 4 Sekolah Rendah Admiralty

Istana tetamu tersergam indah, Tempat berehat pemimpin setia; Gedung ilmu terlaksana sudah, Lahirkan warga berwawasan mulia. Jalan melintas di atas titi, Hendak membeli kuih keria; Hidup berkeluarga saling menghormati, Semoga kita kekal bahagia. Anak Pak Mat menanam halia, Halia diguna masak juadah; Jadilah kita sahabat setia, Tidak mengungkit perkara yang sudah.



Nur Tuhfah Izzah Binte Mohd Roslan Darjah 5 Sekolah Rendah South View

Berjalan-jalan di Dunia Fantasi, Terdengar suara lunak belaka; Teman sentiasa berada di sisi, Bersama suka dan juga duka. Emas permata cantik berseri, Hiasan indah si puteri raja; Mari kita membangun negeri, Menjadi rakyat bersemangat waja. Ibu menghadiri sebuah kursus, Pergi ke sana berpakaian batik; Air dicincang tiada putus, Itulah resmi, adik-beradik.



Nursyahidah Binte Mohammad Rizal Darjah 5 Sekolah Rendah Park View

Pergi ke Geylang membeli baju, Buat sambutan di pagi raya; Anak Melayu semakin maju, Rajin berusaha pasti berjaya. Yusof Ishak presiden pertama, Beliau seorang ketua negara; Tidak hilang Melayu di dunia, Laksamana Tuah pernah berkata. Kait kelapa guna beruk, Buat hantaran wakil keluarga; Kau ibarat Quran buruk, Meningkat usia masih berharga.



Puteri Izzaty Bte Zulkeflee Darjah 6 Sekolah Rendah Innova

Sarah menangis kerana tersedak, Akibat makan buah bidara; Sayangi adik hormati kakak, Begitulah ikatan antara saudara. Membawa bakul bersama paman, Pergi ke pasar beli tenggiri; Teman bukan sebarang teman, Teman sejati yang kita cari. Dari mana burung terbang, Dari awan yang ada pelangi; Dari mana berkasih sayang, Dari ibu yang kita sayangi. Fidy Nuralisha Binte Mohamad Fuad Sekolah Rendah Pioneer

Inarah Hazirah Hazmi Sekolah Rendah Fengshan

Kiran Jasvant Sekolah Rendah Zhonghua

Muhammad Aiman Nabil Mohamad Azhar Sekolah Rendah Junyuan

Muhammad Fayze Bin Muhammad Faddly Sekolah Fairfield Methodist (Rendah)

Razin Hilmansyah Bin Rosli Sekolah Rendah Pasir Ris

Generasi Perintis, Wiraku





Fidy Nuralisha Bte Mohamad Fuad Darjah 5
Sekolah Rendah Pioneer

Berenang di sungai si anak penyu, Mencari makan setiap hari; Rajinlah belajar anak Melayu, Demi kejayaan bangsa sendiri. Pergi ke kedai anak Cik Siti, Hendak membeli buah bidara; Dewasa kelak menabur bakti, Untuk masyarakat juga negara. Memanjat pokok si anak tupai, Di kejar oleh si anak kera; Menara gading sudah dicapai, Mari berbakti kepada negara.



Inarah Hazirah Bte Hazmi Darjah 5 Sekolah Rendah Fengshan

Pergi melancong bersama-sama, Kalau tersesat tolong tunjukkan; Yusof Ishak presiden pertama, Jasa beliau kita kenangkan. Selepas bersolat kita berwirid, Di atas sejadah kita meminta; Kenanglah jasa Pak Zubir Said, Penggubah lagu kebangsaan kita. Yusof Ishak presiden pertama, Wira kita Leftenan Adnan; Zubir Said penggubah ternama, Lagu indah semua berkenan.



**Kiran Jasvant** *Darjah 5*Sekolah Rendah Zhonghua

Bekerja keras semasa muda, Marilah kita menabur bakti; Perintis berusaha kita merasa, Jasa mereka terpahat di hati. Orang India makan capati, Capati dimakan dengan keema; Generasi perintis tidak terganti, Marilah kita teladani mereka. Memancing ikan di atas jeti, Pergi bersama ayah dan abang; Generasi perintis tetap di hati, Jasa mereka sentiasa kukenang.




Muhammad Aiman Nabil Mohamad Azhar Darjah 5 Sekolah Rendah Junyuan

Dayung sampan ke pulau Sentosa, Sampan berisi kain sulaman; Mari kekalkan budaya bangsa, Agar tak lenyap ditelan zaman. Cik Mat menangkap sembilang, Dimasak gulai berpati santan; Adat dikendong budaya dijulang, Bangsa Melayu dilupa jangan. Duduk di rumah menganyam rotan, Pondok beratap daun rumbia; Pepatah Hang Tuah jadi sebutan, Takkan Melayu hilang di dunia.



Muhammad Fayze Bin Muhammad Faddly Darjah 4 Sekolah Fairfield Methodist (Rendah)

Berbangsa Cina dan Melayu, Bangsa India jangan dilupa; Masing-masing ingin maju, Untuk membangun Singapura. Tuah bukan, Jebat pun bukan, Wiraku hanya manusia biasa; Berbekalkan semangat dan kemahuan, Terbinalah negara yang berjaya. Tidak semua kenangan manis, Kenangan pahit juga diingat; Segala pengorbanan warga perintis, Akan disanjung sepanjang hayat.



Razin Hilmansyah Bin Rosli Darjah 6 Sekolah Rendah Pasir Ris

Pergi ke kedai membeli ciku, Tidak lupa mangga dan kuini; Kerana tekadmu wahai perintisku, Aku nikmati keselesaan ini. Ais kepal mudah menitis, Meskipun cair enak dimakan; Tidak dilupa warga perintis, Hargai peranan juga sumbangan. Pergi ke taman bersama Ramu, Memberi makan burung dan angsa; Walaupun tidak mengenalimu, Akan kukenang segala jasa. Balqis Nureliyana Bte Mohamed Shariff Sekolah Rendah Loyang

Nurhaz Liyana Hazrin Sekolah Rendah Temasek

Nurwardina Bte Mohd Azni Sekolah Rendah Yio Chu Kang

Melayuku, Watanku





Balqis Nureliyana Bte Mohamed Shariff Darjah 6 Sekolah Rendah Loyang

Buah manggis buah mengkudu, Dalam dulang di atas para; Gigih berusaha bersatu padu, Melayuku bersatu membina negara. Pohon selasih subur di tanjung, Bersama dengan pohon bidara; Harapan Melayuku tinggi dijunjung, Mencanai ilmu membina negara. Bunga matahari besar meninggi, Tumbuh indah segar di taman; Semangat Melayu berdiri tinggi, Teguh bersatu menjaga kesejahteraan.



Nurhaz Liyana Hazrin Darjah 6 Sekolah Rendah Temasek

Berjalan-jalan ke rumah Tok Kadi, Singgah sebentar di rumah Ramu; Orang Melayu bangsa berbudi, Sentiasa ramah melayan tamu. Cik Minah ke pasar tani, Hendak membeli kuih baulu; Pakaian Melayu anggun sekali, Marilah kita memakainya selalu. Cantik sungguh emas suasa, Disimpan rapi di dalam peti; Orang Melayu berbudi bahasa, Ramai orang sangat menghormati.



Nurwardina Bte Mohd Azni Darjah 6 Sekolah Rendah Yio Chu Kang

Pergi ke taman duduk di bangku, Sambil melihat seekor angsa; Bangga sungguh kaum Melayuku, Hidup rukun berbudi bahasa. Ibu memasak lauk kegemaranku, Juga kegemaran baba dan nyonya; Berbilang kaum negaraku, Bahasa Melayu bahasa kebangsaannya. Berdoa sentiasa menjadi kaya, Bersyukur jika doa dikurnia; Kuat berusaha penuh upaya, Negara terkenal seluruh dunia.

## Penghargaan

Ucapan setinggi-tinggi penghargaan dihulurkan kepada:

- Para Pengadil:
  - Cikgu Rozita A Hamid, Guru Kanan Bahasa Melayu Sekolah Rendah Woodlands Ring;
  - Cikgu Tuminah Mohamed Bakir, Guru Kanan Bahasa Melayu Sekolah Rendah Xingnan;
  - Cikgu Noraishah Mostapa, Guru Kanan Bahasa Melayu Sekolah Menengah Siglap;
  - Para Guru Pakar dan Pegawai Pelatih Pusat Bahasa Melayu Singapura: Cikgu Rahmat Subadah, Cikgu Muhamad Rafi Abu Bakar, Cikgu Muslim Hanafiah dan Cikgu Arshid Abdullah;
- Penaja hadiah:
  - Alam Cahaya;
  - Oxford University Press Pte Ltd;
  - Kato Trading;
  - Everfirst Pte Ltd;

dan sesiapa sahaja yang terlibat secara langsung atau tidak dalam menjayakan perancangan, pengurusan dan pelaksanaan peraduan, dan penerbitan buku ini.